



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epitome In Qvatvor Lib. Sententiarvm M. Petri Lombardi

Spina, Claudius de

Parisiis, 1551

47. de diuinæ voluntatis impletione.

urn:nbn:de:hbz:466:1-38840

IN PRIM. LIB. 86
DE VOLUNTATIS DIVI-
næ efficaci impletione.

DISTINCT. 47. CAP. Vnicum.

*Voluntas Dei efficax in homine sem-
per impletur.*

Voluntas quippe Dei semper efficax
est, vt fiat omne quod velit, & nihil fiat
quod nolit. quæ de homine semper
impletur, quò cūque se vertat. Illa enim vo-
luntas (ait August. in Eochirid.) semper im-
pletur, aut de nobis, aut à nobis. De nobis
impletur, sed tamē nō implemus eam quan-
do peccamus. Hoc autem ipso quòd contra
eius voluntatem fecerunt, de ipsis facta est
voluntas eius. à nobis impletur, quando bo-
num facimus.

*Voluntas
Dei de ho-
mine pec-
cāte imple-
tur quādo
punitur.*

Sed quomodo cōtra Dei voluntatem ali-
Ro. 9. quid fieri dicitur? Dicitur enim voluntati
eius nihil resistere. Dicendum, quòd fit ali-

Obiectio.

quid cōtra eius vel præceptionem vel prohi-
bitionem, sed non cōtra eius voluntatē, quæ
ipse est: nisi dicatur contra eam aliquid fieri,
quia præter eam fit. quod notat Aug. dicēs:
Quātū ad ipsos attinet, quòd Deus noluit fe-
cerunt: quātum verò ad omnipotētiā Dei,
nullo modo id facere valuerūt. quasi dicat:
Fecerunt contra Dei præceptum, quod ap-
pellatur voluntas: sed non fecerunt contra
Dei voluntatem omnipotentem: quia hoc

Dilutio.

non valuerunt, &c. Et sic patet quòd voluntas Dei, quæ ipse est, inuicta semper permanet: voluntas autem signi non semper impletur. neque ideo præcepit omnibus bona, vel prohibuit mala, vel consuluit optima, quæ vellet ab omnibus bona quæ præcipit, fieri, vel mala quæ prohibet, vitari. Si enim vellet, utiq; fieret: sed ut iustitiam suam hominibus ostenderet, & mali essent inexcusabiles, &c.

DE CONFORMITATE
Voluntatis humanæ ad
Diuinam.

D I S T I N C T. Quadragesimæ octauæ
C A P. Primum.

*Non omnis voluntas quæ non vult quod
Deus vult, est mala: vel quæ
vult quod Deus vult,
est bona.*

Sciendum quoque est quòd aliquando mala est voluntas hominis idem volentis quod Deus vult fieri: & aliquando bona est voluntas hominis aliud volentis quam Deus. Ut enim bona sit voluntas hominis oportet attendere quid congruat ei velle, & quo fine. vnde August. in Enchirid. Aliquādo bona voluntate homo vult aliquid quod Deus nō vult, bona multo amplius multoq; certius voluntate. Nam illius mala voluntas ca. 101.